

shim wha wilaish ga Shimoigiat ga Lakāga lak halizogut :

13 Ada al gĩaōn nūshim gū nha al wāgait dau dit ltha zumt Christ Jesusit, ltha gaiam gwai'ntk ga shimt ash ga ninish ga na-ilthēsh Christa ga gunwāl dit.

14 Awil niat ga gungiaqshimt, gū nat in shagait gū'un dit, gū nat in golda na shga hālthgun da gun bish-bashuk gut ;

15 A na shame dit lthat hashamaga n'libālagut, nini qulthi wilalau yaoulthemgushk gut gū aiyougushk ga dit ; dumt wil lipt lūzapt gish ga lip niat dumt shagait gau'un shūgiadit ā na al dupkādōl dit ada nini wila sha giaksha dit ;

16 Ada dumt shana'amakht gish ga Shimoigiat ga Lakāga a dumt shagait gūelum tkamau dit ash ga guzāk ga gunwāl dit, ā nini n't hazagwa n'libālagut :

17 Ada goiduksht ga ada shagoun m'malthashk ga gungiaqsh ga gwa-shim gū nha wagait dau dit, diltsh gungiaqsha dash dupniat gū nha gaiam gwai dit.

18 Awil niat ga gun mila zilum akaklth-gum ā shagait gault ga Haik ga ash ga āwāsh ga Nagwāt ga.

19 Wai gun althga gik lukshgi-giat shim za ligi gik lukshzipzabā gwashim yagai shila zap shim ga amāmtk ga diltsh na lūtgwawālupsh ga Shimoigiat ga Lakāga.

20 Gū libai'ntk ga dida na halid-āmash ga Apostles ga diltsh Prophets ga a lip nish Christ Jesus ga shim manlaubum amōshit ;

21 Gū ninish ga shim wil shagait ama lūnlthaul da na shim gākbiē wālbut ada bash dida wil n'ltōdukshum templesh ga Miyān ga :

22 Nini di wil lūshpagait hai'ntk ga shimt a dum wilū dhāsh ga Shimoigiat ga Lakā gish ga Haik ga.

CHAPTER III.

Nini gwai gunwālsh nūyū t'Paul didaklthish Christ Jesus ash nūshim gunwālūt Gentiles,

2 Amiza yagai niadiltsh ma shim ltha naqnōlth n'dum halthalsh ga na āmsh ga Shimoigiat ga Lakāga gū nha ginamtk ga didā goi ash nūshim gunwāl dit ;

3 Gū na wila ālūdā'antk gum wilai'ntk ga niyūshk ga dā goi nī-wālda na ltha dhāmū dā gwashim-ā ābō da algiak da,

4 Gū ma zida ltha shim liazkt dum wilai shim na wilaiqlshū da na niyūshk gish Christ :

5 Gū na wha wilaiyint ga didā giadit ābō gaulthit nīwālda ltha al wila gāksha dit gĩaōn ash ga na Holy Apostles, gut ga, diltsh Prophets gish ga Haik ga ;

6 Gū gwa dum wil di shila gākbiēm gish ga tkamau ga diltsh dup dum shila dogash ga na ēshk ga di dish Christ Jesus ash ga Amt ga Malshk gaga gunwāl ga,

7 Gū n't wil halthalshanūt ash ga wil na kshaginamash ga na āmsh ga Shimoigiat ga Lakāga gū na ginamtk ga didā goi ash ga na wil halthalsh-ash ga na gutgiat ga.

8 Ash nūyū gū gazōshk ga dida zō gazōshk ga dida tkāni amām dit wil ginamtk ga ām gwa, n'dum shagou m'malthil dida Gentilesit na whatit wil wām a'amwālsh Christit.

9 Dum wil gwuniazuntk ga dida tkāni giadit wil lūhoigiaguntk gish ga niyūshk gaga gū na lthawila yūish ga Shimoigiat ga Lakāga gū nat in zaba tkāni gaut :

10 Dum wil wilaiyintk ga'dit gĩaōn ā tkāni tālakām gaut diltsh gutlet gish ga shpagait laklakāga ā nini Churchit gū na lukshgiadum wila